



Universitätsbibliothek Paderborn

**Theses Historico-Theologicae In quibus expenditur an
verè dicatur: Lovanienses sunt condemnati per Decretum
SS. Domini Nostri Innocentii XI. Proscribentis LXV.
Articulos?**

Huygens, Gommarus

Lovanii, [1683?]

Conclusio Qvinta. Ex ipsâ 65. Propositionum naturâ evincitur intentum.

urn:nbn:de:hbz:466:1-40472

C O N C L U S I O Q V I N T A.

Ex ipsâ 65. Propositionum naturâ evincitur intentum.

Quorquot de Lovaniensium doctrinâ ritè sunt informati , norunt Lovaniensibus tria esse præcipua Theologiae principia. De gratia scilicet per se efficaci in statu naturæ lapidæ , de lege æterna velut morum regulâ , ut propterea Lovanienses negent per ignorantiam legis naturalis à peccato omnino excusari agentem contrâ illam : negant similiter probabilitatem posse statui regulam morum. Tertium Lovaniensium principium est , quod Deus debeat esse finis ultimus cuiuslibet actionis & cuiuslibet agentis , prout latius ostensum in Thesibus quas de singulis principiis edidimus , & compendiosè in conclus. 1. Thesum ad reliquas pertinentium. Hæc de Lovaniensium principiis , quorum nullum ostendes quidquam influere in 65. propositiones , aut in alias earum , quia potius contrâ ostendi potest , saltem de multis ex illis propositionibus , quod ille præsupponant principia Lovaniensium principiis è diametro opposita. Vis argumenti in hoc consistit : Sicut aquæ fontanæ sapere solent primam Scaturiginem , ita conclusiones Theologicæ sua principia ; nihil verò de indole aut characteribus principiorum Lovaniensium reperitur in 65. propositionibus. En aliud argumentum quod non soli docti , sed etiam in rebus Theologicis prorsùs imperiti palpare possint. Norunt omnes quod Theologi Lovanienses nusquam ab Adversariis accusentur de nimia laxitate , sed de intolerabili , ut aiunt , rigore : jam verò doctis pariter ac indoctis notissimum est , nullam 65. propositionum propter nimium rigorem , sed omnes ad unam usque intolerabilem laxitatem tanquam scandalosas & in praxi perniciose condemnatas esse. Quomodo ergo Lovanienses in illis dicuntur condemnati ?

C O N C L V S I O S E X T A.

Qua dicta sunt generatim , ostenduntur singulatim circù 1. 2. 3. & 4. Propositiones spectantes ad doctrinam de usu probabilium.

HArum Thesum brevitas non permittit , ut singulatim de qualibet condemnata , sed ut de aliquibus tantum hic agamus. Porrò in singulis tria forent ostendenda ; nimirum earum accusatio per Lovanienses , conatus contrarius Adversariorum , & propositionum natura sive essentia ; tria , inquam , illa ostendenda forent , nisi per anteriores conclusiones jam satis constaret de primo , & quamvis etiam de secundo , non inutile , credo , fuerit noscere argumenta , saltem aliqua , quibus Adversarii , ut condemnationem impedit , usi fuerunt. Quod tertium attinet , notum est singulas propositiones penè singularem habere naturam. Prima inter condemnatas hæc est : *Non est illicitum in Sacramentis conferendas sequi opinionem probabilem de valore Sacramenti , relictâ turiore , nisi id vetet lex , conventio , aut periculum gravis damni incurriendi.* Hinc sententia probabili tantum utendum non est in collatione baptismi , Ordinis Sacerdotalis , aut Episcopalis. Pro ejus patrocinio allegantur hæc : *Doctrina quam continet hæc propositio disputatur in Belgio sicut alibi passim in utrunque partem , aliis affirmansibus , aliis negantibus , idque hactenus sine acerbitate , scandalo & perturbatione &c. quid incommodi sequi posset ex doctrina illis conditionibus cunctâ quas exprimit propositio , judicabunt Sapientes : nihil hic incommodi vidit Eminent. Cardinalis de Lugo sententiam illam tenens disp. 8. de Sacram. Sect. 9. n. 141. hoc certum est haud parum negoti suscepturnam S. Sedem , si hujusmodi controversias omnes Theologia Moralis decidendas suscep- perit.* Ita Adversarii in famoso illo specimine part 4. cap. 2. §. 1. Disputatur , inquiunt , in